

T5236.05/4462

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JAN 20 1940

70

文苑英華卷第三百一十六

花木六

櫻桃十首

桃李二首

石榴二首

棠一廿

荔枝三首

樹木二十一首

櫻桃

奉谷南平王東宮

謝靈運詩集卷之五

文苑英華卷第三百二十六

詩一百七十六

花木六附果實

櫻桃十首

甘橘十首

桃李六首

梨三首

石榴二首

棗栗二首

柰一首

梅一首

荔枝三首

雜果實五首

樹木二十一首

藤四首

櫻桃

奉答南平王康賚朱櫻

梁簡文帝

倒流映碧叢照類聚露擊朱實花茂蝶爭飛類聚枝濃鳥

哈佛大學哈佛燕京圖書館珍藏印

相失已麗金釵瓜仍美玉盤摘寧異梅似丸不羨萍如日
承植平臺垂長與雲桂蜜徒然奉推其終似初學記愧操
筆

賦得櫻桃春字韻

唐太宗

華林滿芳景洛陽偏宜

初學記作徧陽

春朱顏含遠日翠色影長

津喬柯轉嬌鳥低枝映美人昔作園中實今來帝上珍

勅賜百官櫻桃

王維

芙蓉闕下會千官紫禁朱櫻出上蘭綽是寢園春薦後非

關御苑鳥銜殘蹄鞍競帶青絲籠中使頻傾赤玉盤飽食

不須憂

集作愁

內熱太官還有柘

集作蔗

漿寒

和前

崔興宗

附見王維集

未央朝謁正逶迤天上櫻桃錫此時朱實初傳九華殿繁
花舊雜萬年枝全勝晏子江南摘莫比潘家大谷梨聞道
令人如顏色神農本草自應知

和詠麻署有櫻桃

孫逖

上林天禁裏芳樹有紅櫻江國今來見君門春意生香從
花綬轉色繞珮珠明海鳥銜初實吳姬掃落英切將稀取
貴羞與衆同榮爲此堪攀折芳蹊處處成

酬裴傑秀才新櫻

權德輿

新果真瓊液來應宴紫蘭圓疑竊龍頷色已奪鷄冠遠火
微微辨殘星隱隱看茂先知味易一作好曼倩恨偷難忍用
烹醅酪從將玩玉盤流年如可駐何必九華丹

朝日勅賜百官櫻桃

張籍

仙果人間都未有見朝忽見下天門捧盤小吏初宣勅當
殿群臣共拜恩日色遙分廊下座露香纔出禁中園每年
重此長集作先熟願得千春奉至尊

和張員外集作勅賜百官櫻桃 韓愈

漢家舊種明光殿炎帝還書本草經豈似滿朝承雨露共
看傳賜出青冥香隨翠籠擎初到集作色照銀盤馮未亭
食罷自知無所報空然慙汗仰皇高

與沈楊二舍人閣老同食勅賜櫻桃翫物感恩成

十四韻 白居易

清曉趨丹禁紅櫻降紫宸驅禽養得熟和菜摘來新圓轉

盤傾玉鮮明籠透銀內園題兩字西掖賜三臣熒惑晶華

赤醴醜氣味真如珠未穿孔似火不燒人杏俗難為對桃

頑詎可倫肉嫌盧橘厚皮笑荔枝紋瓊液酸甜足金丸大

小勻偷瀆防曼倩惜莫擲安仁手擘纔離核匙抄半是津

甘為舌上露暖作腹中春已懼長尸祿仍驚數食珍最慙

恩未報飽餵不才身

自有扈至京師已後朱櫻之期 溫庭筠

露圓霞赤數千枝銀籠誰家寄所司秦苑飛禽諳熟早杜

陵遊客恨來遲空看翠幄成陰日不見紅珠滿樹時盡日

徘徊濃影一作下祗應重作釣魚期

甘橘

詠甘子

徐陵

朱實挺江南苞品擅珍淑上林雜嘉樹江潭間修竹萬室
擬封家千株挺疑荆國綠葉萋以布素榮芬且郁得陳終
宴歡良垂雲雨育

園橘

范雲

芳條結寒翠圓實變霜朱徒根楚洲上來覆廣庭隅

同前

沈約

綠葉迎露滋朱苞待霜潤但令入玉枰金依非所恠

橘樹

李元操

嘉樹出巫陰分根徙上林白花如霰雪朱實似懸金布影
臨丹地飛香度玉岑自有陵冬質能守歲寒心

橘

李嶠

萬里盤根植千株布葉繁既榮潘子賦方重陸生言玉藹
含霜動金衣逐吹翻頽辭湘水曲長茂上林園

病橘

杜甫

伊集作羣橘少生意雖多亦奚為惜哉結實小集作少酸澁如

棠梨剖之盡蠹蝕集作蟲採掇爽所宜紛然不適口豈止存

其皮蕭蕭半死葉忽忽集作未忍別故枝玄冬霜雪積况乃迴

風吹嘗聞蓬萊殿羅列瀟湘姿此物歲不稔王食失光輝

寇盜尚憑陵當君減膳時汝病是天意吾意罪有司憶昔

南海使崩集作奔騰獻荔林百馬死山谷到今耆舊悲

揀貢橘書情

白居易

洞庭貢橘揀宜精太守勤王請自行珠顆形容隨日長瓊
漿氣味得霜成登山敢惜駑駘力望闕難甲屨蟻情踈賤
無由親跪獻願憑朱實表丹誠

奉和揀貢橘

周元範

離離朱實綠叢中似火燒山處處紅影下寒林沉綠水火
搖高樹照晴空銀章自竭人臣力一作分王液誰知造化功
看取明朝船發後餘香猶尚逐仁風

同前

張彤

陵霜遠涉太湖深雙卷朱旗望橘林樹樹籠煙疑帶火山
山照日似懸金行看採掇方盈手暗覺馨香已滿襟揀選
封題皆盡力無人不感近臣心

橘園

李紳

江城霧歛輕霜草園橘千株欲變金朱實摘時天路近素
英飄處海雲浮懼同枳棘愁遷徙每抱馨香委照臨憐爾
結根宜一作能自保不隨寒暑換貞心

桃李

李嶠

獨有成蹊處紅桃集作穠華發井傍含風如集作山笑臉裛露

似集作朝露啼粧隱士顏應改仙人路漸長還欣上林苑千歲

奉君王

玄都觀桃

蔣防

舊傳天上千年熟今日人間五日香紅軟滿枝須作意莫

交方朔施偷將

麥李

沈約

青玉冠西海碧石彌外區化為中園實其下成路衢在先
良足貴因小邈難逾色潤方陵縹味奪寒水朱摘持欲以
獻尚食且踟躕

答元金紫餉朱李

王筠

穠初學記華春發彩結實不成蹊潘生詠金谷魏后沈寒

作李

溪逢君重妖麗移翫入崇閨慙無瓊玖報徒用萃幽棲

賦得李

唐太宗

玉衡流桂圃成蹊正可尋鶯啼密葉外蝶戲脆花心麗景
光朝彩輕煙散夕陰暫顧暉章側還眺靈山林

同前

李嶠

潘岳閑居暇

一作日

王戎戲陌辰蝶遊芳徑馥鶯轉令

一作弱

枝新葉暗青房晚花明玉井春方知有靈幹持一作持用表

真人

一作皆單題詩

梨

應詔詠梨

沈約

大谷來既重岷山道又難摧折非所恠但令入玉盤

梨

後梁皇帝

大谷常流稱南荒本足珍綠葉已承露紫實復含津

同前

李嶠

擅羨玄光側傳芳澣海中鳳文踈象郡花影麗新豐春暮

條應紫秋來葉早紅集作色封璣池若令逢漢主還冀識

張公

石榴

石榴

梁元帝

塗林未應發春暮轉相催然燈疑夜火連珠勝早梅西域
移根至南方釀酒來葉翠如新剪花紅似故栽還憶何陽
縣映水珊瑚開

以下五篇並見初學記

同前

魏彥深

分根金谷裏移植廣庭中新枝含淺綠晚萼散輕紅影入
環階水香隨唐隙風路遠無由寄徒然初學記春闈空

棗栗

棗

梁簡文帝

浮華齊水麗垂彩鄭都奇白英紛靡靡紫實標離離風搖
羊角樹日映鷄心枝穀城踰石蜜蓬岳表仙儀已聞安邑
羨永茂玉門垂

詠栗雜言

陸玠

貨見珍於有漢木取貴於隆周葉肇萌於朱夏實方落於
素秋委玉盤雜椒糝將象腐初學記糝珍羞

柰

柰

褚澧

成都貴素質酒泉稱白麗紅紫奪夏藻芬芳掩春蕙映日
照新芳叢林抽晚蒂誰為重初學記三株終焉競八桂不

讓園立中粲繁華庭際

梅

李嶠

大庾劔寒光南枝獨早芳雪含朝暝

集作紫花

色風引去來

集作

上林單題詩作上春

香舞袖

集作粧面

迴青徑歌塵起畫梁若能遙止渴

何假泛瓊漿

荔枝林

鄭谷

平昔誰相愛驪山遇貴妃在

集作任

教生處遠愁見摘來稀

曉集作晚

奪紅霞色晴欺瘴日威南荒何所戀為爾即忘歸

荔枝樹

前人

二京曾見畫圖中數本芳菲色不同孤棹今來巴徼外

三枝煙雨思無窮夜郎城近含春瘴杜宇巢低起暝風腸斷

輸瀝霜霰薄不教葉似灞陵紅

南海陪鄭司空遊荔園

曹松

荔枝時節出旌旂南國名園盡興遊亂結羅紋照襟袖別

含瓊露爽咽喉葉中新火欺寒食樹上丹砂勝錦州他日

為霖不將去也須圖畫取風流

雜果實

野園獻果呈員外

楊巨源

西園果初熟上客心逾愜疑粉乍辭枝飄紅仍帶葉幽姿

寫瓊實殷彩呈粧頰持此贈佳期清芬羅袖裛

詠红柿子

劉禹錫

曉連星影出晚帶日光懸本因遺株摘

集作綴

翻自保天年

菱

李嶠

鉅野韶光暮東平春溜通影搖江浦月香引棹歌風日色
翻池上潭花發鏡中五湖多賞樂千里望難窮

瓜

前人

欲識東陵味青門五色瓜龍蹄遠珠履女臂動金花六子
方呈瑞三仙實可嘉終期奉絺綌謁帝佇非賒

秋日吳中觀共藕

趙嘏

野艇幾西東清冷映碧空寒衣來水上捧玉出泥中葉亂
田田綠蓮餘片片紅激波纔入選就日已生風御紫玲瓏
膳人懷拔擢功梯山謾多品不與世流同

樹木

詠樹

庾信

交柯將一作百頃擢本或千尋楓子留為式桐孫待作琴
殘核移桃種空花植棗林幽居對蒙蜜蹊徑轉深沉

庭前枯樹

孫萬壽

當時金谷裏昔日平陵東布葉俱承露開花共待風搖落
一如此容華遂不同庭前生意盡井上蠹心空匠者無勞
顧擁腫難為功

長信宮樹

喬知之

婀娜當軒樹華胥一作倚蘭殿葉映九春華香搖五明扇
餘花鳥哢盡新葉蟲蠹一作遍零落親一作自知芬芬君
不見

河邊枯樹

劉琰

奇樹臨芳渚半死若龍門疾風摧勁葉沙岸毀盤根將軍
猶未坐匠石不曾論無復陵雲契空餘激浪浪可嗟摧折
盡詎得上河源

登思禪寺上方經脩行茂林

劉長卿

上方幽且暮臺殿隱朦朧集作遠磬秋山裏清猿古木中
衆溪連竹路諸嶺共松風儻許棲林下其成白首翁

同李即淨律師院槐子樹

包何

南國佳人去不迴洛陽才子更須媒綺琴白雲無情棄羅
幌清風到曉開冉冉脩篁依戶牖迢迢列宿映樓臺縱令
奔月成仙去且作行雲入夢來

古樹

張籍

古樹枝柯少枯來復幾春露根堪繫馬空腹定藏人蠹節
莓苔老燒痕霹靂新若當江浦上行客祭為神

石榴樹

白居易

可憐顏色好陰涼葉剪紅殘花撲霜傘蓋低垂金翡翠薰
籠亂搭繡衣裳春芽細炷千燈焰夏藥濃焚百和香見說
上林無此樹只教桃柳占年芳

移家別樹

戎昱

千種庭前樹人移樹不移看花愁作別不及未栽時

種樹

于鵠

一樹新栽益四隣野夫如到舊山春樹成多是人先老垂

白看他攀折人

漢陰亭樹

趙嘏

碧樹如煙覆晚波
清秋欲盡客重過
家園亦有如煙樹
鴻鴈不來風雨多

路傍樹

馬戴

古樹何人種
清陰減昔時
莓苔根半路
風雨一作雪節偏危
蟲蠹心將穴
蟬催葉向衰
樵童不須剪
聊起邵公思

山中古木

盧綸

高林已蕭索
夜雨復秋風
墜葉鳴荒竹
斜根擁斷集作亂蓬
半侵山色集作影
裏長在水聲中
此地何人到
雲間去未通

石橋琪樹

蔡隱石

山上天將近
人間路漸遙
誰當雲裏見
知欲渡仙橋

佳人故居琪樹

集作桂州經
佳人故居

李羣玉

種樹人何在
攀枝空嘆嗟
人無重見日
樹有每年花
舊院

雀

集作院蕉

聲暮牛庭春色

集作影

斜東風不知恨
滿地落餘霞

重題端正樹

溫庭筠

路傍佳樹碧
雲秋曾侍金輿
幸驛樓草木榮
枯似人事
綠陰寂寞漢陵秋

擬溫庭筠集重題端正樹題望苑驛各是一詩今英

華題望苑驛已入二百九十八卷而此篇端正樹却

誤以望苑驛詩充之今用集本釐正

石楠樹

胡汾

本自清溪石上生移栽此處一作稱閑情青雲事盡識珍
木白屋人多喚俗名重布綠陰滋蘚色深藏好鳥引鷓聲
余今一日千迴看每度看來眼益明

臨江樹

魚玄機

草色連荒岸煙波入遠樓葉鋪江水面花落釣人頭根老
藏龍窟枝低繫客舟瀟瀟風雨夜驚夢復添愁

焦桐樹

陳標

江上烹魚採野樵鸞枝摧折半曾燒未經良匠材雖散待
得知音尾巴焦若使琢磨微白玉便來風律軫青瑤還能
萬里傳山水三峽泉聲豈寂寥

興善寺具多樹

張喬

還應毫末長始見拂丹青得子從西國成陰見昔朝勢隨
雙刹直寒出四牆遙帶月啼春鳥連空噪暝蛩遠根穿古
井高頂起涼飈影動懸燈夜聲繁過雨朝靜遲松桂老堅
任雪霜凋未共終南在應隨劫火燒

雙槿樹

張文姬

綠影競扶疎紅姿相照灼不覺桃李亂一作更向春
風落一作亂

藤

詠藤

李嶠

吐葉依松磴野苗長石臺神農嘗藥罷質子寄書來色映
蒲萄架花分竹葉杯金隄不見識玉潤幾重開

石上藤

岑參見集本

石上生孤藤，弱蔓依石長。不逢高枝引，未得陵空上。何處
可堪托，一作堪托身為君長萬丈。

潭上紫藤

李德裕

故鄉春欲盡，一歲芳難再。巖樹已青葱，吾廬日堪愛。幽蹊
人未去，芳草行應礙。遙憶紫藤垂，繁英照潭黛。

和友人許裳題宣平里古藤

張蠙見集本

欲結千年茂，生來便近松。迸根通井潤，交葉覆庭穠。歷代
頻更主，盤空漸變龍。晝風圓影亂，宵雨細聲重。蓋窳勝丹
桂，層危類遠峯。嫩條懸野鼠，枯節叫秋蛩。翠老霜難蝕，皴
多蘚乍封。幾家遙共翫，何寺不堪容。客對忘離榻，僧看誤

過鍾頃因陪預作終夕遶枝筇

文苑英華卷第三百二十六

文苑英華卷第三百二十七

詩一百七十七

花木七附草

藥五首

茶二首

蘭九首

壹三首

衆草九首

苔三首

蘆蒿四首

萍三首

枸杞二首

雜詠十首

木葉十首

藥

採藥大布山

吳筠

我本此一作北山北綠澗採山麻九莖日反照三葉長生花

可以蠲憂疾聊持駐景斜景斜不可駐年來果如驅安得
崑崙山偃蹇樹三株三株樹始一作亥絳葉陵朱臺玉壺
白鳳肺金鼎青龍胎韓衆及王子何代無仙才安期儻欲
顧相見在蓬萊

一作皆藝文類聚

採石上菖蒲

江淹

瑤琴久蕪沒金鏡廢不看不見空閨裏縱橫愁思端緩步
遵行波一作楊棧汎春澗竇赤煙流綺水綠溜輕一作掛涵一作冊
憑酒意未悅半景方自歎每為憂見集杜若詎能寬巽採
石上草得以駐衰顏赤鯉儻可乘雲霧不復還

一作皆藝文類聚

採藥

王績

野情貪藥餌郊居倦蓬華青龍復集作道符白犬遊山迷

集作要鎌戊巳月集作負鋪庚集作辛日時時斷障遮集

橫往往孤峯出行披蒿仙注坐驗農皇帙集作坐檢龜蛇

採二苓赤白尋雙木地凍根難盡藜枯苗易失從容肉作

名著預膏成質家豐松葉酒蕉集作貯參花蜜且復歸去

來刁圭轉集作衰疾

春泉洗藥

宋之問

今日遊何處春泉洗藥歸悠然紫芝曲晝掩白雲扉魚樂
偏尋藻人間音屢採薇此中無俗事身世兩相違

樂

有嘉疑 秘神仙君臣有禮焉所當苦口喻不晨疑 入腸偏
扁鵲功成日神農定器然疑 丹成如可待鷄犬自聞天

茶

喜園中茶生

常應物

潔性不可汗為飲滌塵煩此物信靈味本自出山原聊因

理郡餘率爾植荒園嘉集作 隨眾草長得與幽人言

峽中嘗茶

鄭谷

簇簇新英摘露光小江園裏火前嘗吳僧謾說鴉山好蜀

叟休誇烏集作 紫香入集作 座半甌輕泛綠開緘數片淺

含黃鹿門病客不歸去酒渴更知春味長

蘭

賦得蘭澤多芳草

梁孝元帝

春蘭本無艷春澤最歲蕤燕姬得夢罷尚書奏事歸臨池

影入浪從風香拂衣當門已芬馥入室更初學記 芳菲蘭

生不擇逕十步豈難稀 以下四篇並見初學記

蘭

後梁宣帝

折莖聊可佩入室自成芳開花不競節含秀委微霜

賦新題得蘭生野逕

張正見

披襟出蘭畹命酌動幽心鋤罷還開路歌誼自動琴華燈

共影落芳杜雜花深莫言閑逕裏遂不斷黃金

芳蘭

唐太宗

春暉開禁初學 苑淑景媚蘭場映庭含淺色凝露泫浮光

日麗參差影風傳初學記輕重香會須君子折佩裏作芬

芳

園中時疏盡加鋤理唯秋蘭數本萎集作而不顧

彼雖一物有足悲者遂賦二章 張九齡

楊靡已成歲園葵亦向陽蘭時獨不遇集作露節漸無芳

旨異青為蓄其非蔗有漿人多利一飽誰復惜馨香

二

幸得不鋤去孤苗守舊根無心羨旨蓄豈欲近名園遇賞

寧充佩為生莫礙門幽林芳意在非是為人論

蘭和 釋無可

蘭色結春光氛氲掩眾芳閉門階覆葉尋澤逕連香晚靜

風吹亂亭秋雨引長靈均曾搴擷紉珮挂荷裳

余昔自西濱得蘭數本移勢於庭亦既逾歲而茂

然蕃殖自余遊者未始以芳草為遇矣因悲夫

物有狀常而返不若混然者有之焉遂寄情於

此 温庭筠

寓賞本殊致意幽非我情吾常疑有流疑淺外物無重輕

各言藝幽深彼美香素莖豈為賞者設自保孤根生易地

無赤株麗土亦同榮賞際林壑近泛餘煙露清余懷既鬱

陶爾類徒縱橫妍蚩苟不信寵辱何為驚真隱諒無迹激

時猶簡集作名幽叢靄綠晚豈必懷歸耕

種蘭 陳陶

種蘭幽谷底四遠聞馨香春風長養深枝葉趁人長智水
潤其根仁鋤護其芳蒿藜不生地惡鳥弓已藏椒桂夾四
隅茅茨居其中一作央左隣桃花塢右接蓮子塘一月薰手
足兩月薰衣裳三月薰肌骨四月薰心腸幽人饑如何採
蘭充餼糧幽人渴如何醞蘭爲酒漿地無青苗租白日如
散王疑不嘗仙人藥端坐紅霞房日夕望美人佩花正煌
煌美人久不來佩花徒生光劉獲及歲豨無令見雪霜清
芬信神鬼一葉豈可忘舉頭愧青天鼓腹詠時康下有賢
公卿上有聖明王無階答風雨願獻蘭一筐

萱

萱草

楊休之

開跼幽澗底散彩曲堂垂優柔清露濕微穆惠風吹朝朝
含麗景夜夜對花池

詠階前萱草

魏彥深

綠草正含芳霍靡映前堂帶心花欲發依籠葉已長雲度
時無影風來乍有香橫得忘憂號余憂遂不忘

萱草

李嶠

履一作

步尋芳草

一作

忘憂自結叢葉舒春夏綠花吐淺

深空

一作黃英開養

色湛仙人露香傳少女風含貞

一作

北堂下曹植動文雄

一作皆單題詩

衆草

除草

杜甫

草有害於人曾何生阻修其毒甚蜂蠆其多彌道周清晨
步前林江色未散憂芒刺在我眼焉能待高秋霜露集作雪
一霑衣集作疑蕙葉亦難留荷鋤先童稚日入仍討求轉致
水中央豈無雙釣舟頑根易滋蔓敢使依舊立自移集作茲
藩籬曠更覺松竹幽芟夷不可闕疾惡信如讎

樹中草

李白

鳥銜野田草誤入枯桑裏客土植危根逢春猶不死草木
雖有情因依尚可生如何同枝葉各自有枯榮

春草謠

顧况

春草不解行隨人上空城正月二月色綿綿千里萬里傷
人情

草

張南史

草草折宜看好蒲地生催人老金殿玉砌荒城古道青青
千里遙悵悵三春早每逢南北離別乍逐東西傾倒一身
本是山中人聊與王孫慰懷抱

庭草

曹鄴

庭草根自淺造化無遺功低迴一寸心不敢怨春風

賦得池塘生春草

陳潤

謝公遺詠處池水夾通津古往人何在年來草自春色宜
波際綠香愛雨中新今日青青意空悲行路人

曲江春草

鄭谷

花落江堤簇暖煙雨餘江山集作山色遠相連香輪莫輾青青

破留與愁人一醉眠

芳草二首

羅鄴

廢苑墻南淺雨中似袍顏色正蒙茸微香暗惹行人步遠
綠纔分闢雉蹤三楚溪頭長恨見五侯門外却難逢年年
縱有春風便馬足車輪一萬重

二

芳草和煙暖更青閑門要路一時生年年點檢人間事唯
有春風不世情

苔

詠青苔

沈約見初學記

緣階已漠漠汎水復綿綿微根如欲斷輕絲似更聯長風

蘼細草深堂沒綺錢榮鬱無人贈歲蕤徒可憐

同舍弟佶班常二員外秋苔對之成詠 包何

每看苔蘚色如何簿書閑幽思纏芳樹高情寄遠山雨痕
連地綠日映出林班却笑典公賦臨危滑石間

苔錢

鄭谷

春青秋紫遠池臺箇箇圓如濟世財雨後無端滿窮巷買
花不得買愁來

蘆葦

友人池上詠蘆

曹松

秋聲昌種得蕭瑟在池攔葉澁栖蟬穩叢疎宿鷺難歛煙
宜疑下颯吹省先寒此物生蒼島令人憶釣竿

蘆葦

王真白

高士想江湖湖閑疑庭植蘆清風時有至綠竹與何殊嫩
喜日光薄疎憂雨點麤驚蛙跳得過鬪雀梟如無未識巴
籬護幾臺疑邛竹扶惹煙輕弱柳蘸水漱清蒲漑灌情偏
重琴樽賞不辜穿花思釣叟吹葉少羌雛寒色暮天映秋
聲遠籟俱朗吟應有趣蕭洒十餘株

叢葦

張蠟

叢類詩叢寒水邊曾折掃魚船類詩忽與亭臺近翻嫌鳥
嶼偏花明無月夜聲急正秋天遙憶巴陵渡殘陽一望煙

使院栽葦

薛能

戛戛復差差一叢千萬枝裕如僧住處栽得吏閑時笋自

應中出根從府外移從軍無宿例空想夜風吹

萍

賦得池萍

庾肩吾

風翻乍青紫浪起時疎密本欲歎無根還驚能有實

萍

吳均一作南齊劉繪

可憐池裏一作內萍益益草盛貌一作氣氤紫復青工巧一作隨浪開
合能逐水低平微根無所綴細葉詎須莖飄蕩一作泊終難

測流連如有情

同前

李嶠

二月虹初見三清單題詩蟻正浮青蘋含吹轉紫葉帶波
流屢逐明神薦恒隨旅客遊既能甜似蜜還復繞單題詩

王舟

枸杞

楚州開元寺北院枸杞臨井繁茂可觀羣賢賦詩

因以繼和

劉禹錫

僧房藥樹依寒井井有香泉樹有靈翠黛葉生籠石甃殷
紅子熟照銅瓶枝繁本是仙人杖根老新成瑞大刑上品
功能甘露味還知一勺可延齡

枸杞寄郭使君

集作和郭使君題枸杞

白居易

山陰

集作陽

太守政嚴明吏靜民

集作夜靜人

安無犬驚不知靈

藥根成狗恠得特聞吠夜聲

雜詠

烹葵

前人

昨卧不夕食今起乃朝饑貧厨何所有炊稻烹秋葵紅粒
香復軟綠莢滑且肥饑來止於飽飽復何所集作飽後復何思憶
昔集作思憶榮遇日迨今窮退時今亦不凍餒昔亦無餘資日
既不減食身又不減衣撫心私自問何者是榮衰勿學常
人意其間分是非

和李君鍾鍾葛

戎昱

弱質人皆棄唯君手自栽
藟含霜後竹枝惹臘前梅擬託
陵雲勢須憑接引材清陰如可惜黃鳥定飛來

茅

李嶠

見單題詩

楚甸供王日衡陽入貢年
磨苞青野外鷓鴣啼綺楹前堯帝

成茨罷殷湯祭兩旋方期大君錫不懼小巫捐

芳蓀生茅山東溪陶隱君謂之溪蓀花紫色生淺

水中

李德裕

楚客重蘭蓀遺芳今未歇葉抽清淺水花照暄妍節紫艷

映渠鮮輕香含露發

集作

離居若有贈暫與幽人折

移涉

唐彥謙

移徙杜城曲置在小齋東正是高秋裏仍兼細雨中結根
方迸竹疎蔭說高桐苒苒齊芳草飄飄笑斷蓬片時留靜
者一夜響鳴蛩野露通宵滴溪烟盡日蒙試才卑庾璉求
味笑周菘只此霜栽好他時贈伯翁

西明寺威公盆池新稻

前人

江南種稻時露蟬鳴後雨霏霏蓮盆積潤分畦小
井垂陰擢秀稀得地又生金象界結根仍對水田衣支公
尚有三吳思更使幽人憶釣磯

草木言

陳陶

何生我蒼蒼何育我黃黃草木無知識幸君同三光始自

受姓名歲莖立表

疑作

裳山河既分麗齊首乳青陽其辛

各有榮好醜不相防常憂刀斧劫竊慕仁壽鄉願天雨無
暴頤地風無狂雨足因袞憊風多因天傷在山不為桂徒
辱君高岡在水不為蓮徒占君深塘勿輕培塿阜或有竒
棟梁勿輕蒙龐澤或有竒馨香消毫可麓差疑朝茵壽為
長擁腫若無取大椿命為傷婆娑不材生苒苒向秋荒幸

遭薰風日有得皆簸揚所愧雨露恩願效幽微芳希君頗
採擇勿使枯雪霜

木葉

題落葉

司空曙

霜景催危葉今朝半樹空蕭條故國異零落旅人同颯岸

浮寒水依階擁夜蟲隨風偏可羨得到洛陽宮

集作城中

衛明府寄枇杷葉以詩答

前人

傾筐呈綠葉重疊色何鮮詎是秋風裏猶如曉露前傳僑
方見重消疾本應便全勝其蕉贈空投謝氏篇

落葉

孔紹安

早秋驚葉落飄零似客心翻飛未肯下猶言惜故林

一葉落

白居易

煩暑鬱未退涼飈潛已起寒溫與盛衰迭相爲表裏蕭蕭
衆林下一葉忽先委勿言一葉微搖落從此始

同前

薛能

輕葉獨悠悠天高片影流隨風來此地何樹落先秋變色
黃蘆近亂枝綠尚稠無雙浮水面孤絕落關頭乍減誠難
覺將凋勢未休客心空自比誰肯問新愁

墮葉

釋無可

遶巷夾溪紅蕭條逐北風別林遺宿鳥浮水載鳴蟲石小
埋初盡枝長落未終 霜書麗什閑讀白雲中

題桐葉

杜牧

去年桐葉故溪上把筆偶集作把題歸燕詩江樓今日送

歸燕正是去年題葉時葉落燕歸今集作可惜東流玄髮

且無期笑筵歌席友惆悵朗月清風愴集作別離莊叟彭

殤同在夢陶潛身世兩相遺一九五色成虛席集作石爛

松薪更莫疑哆天也切侈不勞文似錦進趨何必利如錐錢

神任爾知無敵酒聖於吾亦庶幾江畔秋光蟾閣鏡檻前

山萃茂陵眉樽芳集作輕泛數枝菊簷影斜侵半局碁休

指官道論巧拙祇將愚直禱神祇三吳烟水平生念寧向

閑人道所之

和杜錄事題紅葉

白居易

寒山十月旦霜葉一時新似燒非因火如花不待春連行

非絲帳亂落剪紅巾鮮駐藍舁集作看風前唯兩人

紅葉

羅隱

不柰荒城畔那堪晚照中野晴霜裊綠山冷雨摧紅游子

灞陵道美人長信宮等閑俱集作歲暮搖落意無窮

同前

唐彦謙

無處 高樓臨道旁素娥前夕月清女夜來霜宿雨

隨時潤秋晴看物光幽懷長若此病眼更相妨蜀紙裁深

色燕脂落靚粧低叢侵小閣倒影入回塘謝眺晉霞綺茸

寧棄錦張何人休遠道是處有斜陽薛荔垂書幌梧桐墜

井床晚風生旅館寒筥近僧房桂綠明淮甸楓丹照楚鄉

鴈疎臨鄆杜蟬急傍瀟湘樹異桓宣武園非顧辟強茂陵

愁卧客不自保危腸

文苑英華卷第三百二十七

文苑英華卷第三百二十八

詩一首七十八

禽獸一

鳳三首

鶴二十七首

鷹五首

鳥五首

鵲七首

鴈二十首

鷺十首

鳳

賦得棲梧桐威鳳

張正見 見初學記

丹山下威鳳來集帝梧中欲舞春花落將飛秋葉空影照
龍門水聲入洞庭風別有將雛曲翻更合絲桐

鳳

李嶠 見單題詩

有鳥居丹穴其名曰鳳凰九苞應靈瑞五色成文章屢向
秦樓側頻過洛水陽鳴岐今日一作見阿閣佇來翔

同前

伊夢昌

好是山家鳳歌成非楚鷄毫光洒風雨紋綵動雲霓竹實
不得飽桐孫何足栖岐陽今好去律呂正凄凄

鶴

登板橋詠洲間獨鶴

梁簡文帝

遠霧且氛氲單飛纔可分孤鷺思類聚作宿嶼浦羈唳下江濱
意惑東西水心迷四面雲誰知獨辛苦江上念離群

賦得舞鶴

前人見初學記

來自芝田遠飛渡武溪深振迅依小吳市差池逐晉琴奇聲

傳迴澗動翅拂花林欲知情外物伊洛有清潯

主人池前鶴

吳均

本自乘軒者為君堦下禽低昂初學記作摧裁多好貌清淚有奇

音稻梁恩類聚作惠既重華池遇亦深顧思初學記作懷恩未忍去非

無江海心

賦得華亭鶴

孔德紹見初學記

華亭失侶鶴乘軒籠遂終三山陵若霧千里激悲風心危
白露下聲斷綵絃中何言斯物變翻復似遼東

鶴

李嶠見單題詩

黃鶴遠聯翩從鸞下紫煙翱翔一萬里來去幾千年已憇
青田側時遊丹禁前莫言空驚露猶冀一聞天

郡府中每晨輒見群鶴東飛至暮又行列而返

哢一作喚一作雲路甚和樂焉余愧獨處江城常日

送此鳥意有所羨遂賦以詩 張九齡

雲間有數鶴撫翼意無違曉日東田去宵煙北渚歸謹呼

良自適羅列好相依遠集長江靜高翔衆鳥稀豈煩仙子

馭何畏野入機却念乘軒者拘留不得飛

遇旅鶴 孫昌胤

靈鶴產絕境昂昂無與儔單飛滄溟曙一叫雲山秋野性

方自得人寰何所求時因戲祥風偶爾來中州中州帝王

宅園沼深且幽希君惠稻梁欲拜辭丹丘不然奮飛去將

適汗漫遊肯作池上鷺年年空沉浮

寄輿國池鶴上劉相公 張衆甫見類詩

馴狎經時久襜褕短翮存不隨淮海變空媿稻梁恩獨立

秋天靜單棲夕露繁欲飛還歛翼詎敢望乘軒

白二十集作白侍郎有雙鶴留在洛下集作中予西

園多野水長松可以栖息遂以詩請之 裴度

聞君有雙鶴羈旅洛城東未放歸仙去集作路何如乞老翁

且將臨野水莫閉在樊籠好是長鳴處西園白露集作中

酬裴相公乞予雙鶴 白居易

警露聲音好冲天相貌殊終宜向廖廓不稱在泥塗白首

勞爲伴朱門幸見呼不知踈野性解愛鳳池無

送鶴與裴相臨別贈詩 前人

司空愛爾爾須知不信聽吟送一作鶴詩羽翮勢高寧惜

別稻梁恩重莫愁饑夜棲莫集作共鳥爭樹曉一作浴先

饒鳳占池穩上青雲一作勿迴顧的應勝有白家時

失鶴

前人

失為庭前雪飛因草集作上風九霄應得侶三夜不歸籠

聲斷碧雲外影沉明月中郡齋從此後誰伴白頭翁

和裴相公寄白侍郎求雙鶴

劉禹錫

皎皎華亭鶴來隨太守船白若罷吳郡太守携鶴鄒來青雲意長在一作

長在滄海別經年留滯清洛苑徘徊明月天何如鳳池上

雙舞入祥煙

別鶴

張籍

雙鶴出雲溪分飛各自迷空巢在松樹集作折羽落江

尋水終不飲逢林亦未栖別離應易老萬里草集作萋萋

失鶴

李遠

秋風吹起雜詠九臯禽一片閑雲萬里心碧落有情應悵

望瑤臺詩選作無路可追尋初來一作白雪翎猶短欲去

一作丹砂頂漸深華表樹頭留語後不知消類詩作息到

如今

過舊遊見雙鶴愴然有懷

前人

郎公何歲掩松揪雙鶴依然傍玉樓朱頂嶺岼荒草上雪

毛零落小池頭蓬瀛路斷君何處雲水情深我尚留他日

若來華表樹更添多少令威愁

文苑英華

三

范編

崔卿池上鶴

賈島

月中時叫葉紛紛不異洞庭霜夜聞翎羽如今從放長一作

從今如猶能飛起向一作孤雲罷剪

憶鶴

劉得仁

自爾歸仙後經秋又過春白雲尋不得類詩作見紫府去無因

此地空明月何山伴羽人將期華表上重見類詩作令威瞻望

身

同前

前人

白絲翎羽丹砂頂曉度秋煙出翠微來向孤松枝上立見人吟苦却高飛

山陽盧明府以雙鶴寄遺白一作伯氏以詩為答因

寄和

趙嘏

縵山雙去羽翰輕應為仙家好弟兄茆固枕前秋對舞陸雲溪上夜曾鳴紫泥封處曾回首碧落歸時莫問稼自笑滄江一漁叟何由似爾到層城

失鶴二首

薛能

偶背雕籠與我違四方端佇竟忘歸誰家白日雲間見何處滄洲雨裏飛曾啄稻梁殘粒在舊翹泥潦半蹤稀憑人轉覓多相誤盡道幡然作令威

二

華表翹風未可期變丁投衛兩堪疑應緣失路防人損空有歸心最我知但見空籠拋夕月若何無樹宿荒陂不然

直道高空外白水青山屬臘疑作師

答賈支使寄鶴

前人

瑞羽竒姿踉蹌形稱為仙馭過青冥何年厚祿曾居衛幾世前身本姓丁幸有遠雲兼遠水莫臨華表望華亭勞君贈我清歌侶將去田園夜坐聽

陳州刺史寄鶴

前人

臨風高視聳竒形渡海冲天想盡經因得羽儀來合浦便無魂夢去華亭春飛見境乘桴切夜唳聞時醉枕醒南守欲知多少重撫毛千萬喚丁丁

夫鶴

李羣玉

瑤臺烟霧外一去沒還心集作不暗集作海蓬壺遠秋風

碧落深墮集作翎留片雪雅操入孤琴不集作是籠中物

雲蘿更莫集作尋

鶴

鄭谷

一自在喬放自由俗人行處懶回頭睡輕旋覺松花墮舞罷閑聽澗水流羽翼光明欺積雪風神灑落占高秋應嫌白鷺無仙骨長伴漁翁宿葦洲

病中題主人庭鶴

羅隱

遼水花亭舊所聞病中毛羽最憐君稻梁且足身兼徒何必青雲與白雲

鷹

詠鷹

隋陽帝見初學記

遷朔欲之衡忽投爵羅裏既以羈華絆仍持獻君子青散
固絕倚素羽誠難擬深目表茲稱潤臆斯為美驚獸不及
奔猜禽無暇起雖蒙韉上榮無復陵雲志

觀放白鷹

李白

八月邊風高胡鷹白錦毛孤飛一片雪百里見秋毫

見人臂蒼鷹

前人

一作高適

寒冬

集作楚

十二月蒼鷹八九毛寄言鷲雀莫相啐自有雲

霄萬里高

同前

章孝標

星眸未放瞥秋毫頻掣金鈴試雪毛會使老拳供口腹莫
辭親手啖腥臊穿雲自恠身如電殺兔誰知爪一作勝刀

可惜恐饑寒日暮向人鵠

知咸切鳥琢食也

斷碧絲條

白鷹

鄭繇

白錦文章亂丹青羽翻齊雲間呼暫下雪裏放還迷梁苑

驚池鷺陳倉拂野鷄不知寥廓外何處是

一作依棲

鳥

詠鳥代陳師道

唐太宗

陵長麗城去薄暮上林棲辭枝枝暫起停樹樹還低向日
終難託迎風詎肯迷只待纖纖手曲裏作宵啼

晚飛鳥

虞世基

向日晚飛低飛飛未得棲只為歸林遠恒當侵夜啼

詠巢鳥應詔

楊師道

文苑英華 卷一百一十五
桂樹春暉蒲巢鳥刷羽儀朝飛麗城上夜宿碧林垂背風
藏密葉向日逐踈枝仰德還能哺依人初學記遂可窺驚
鳴雕輦側王吉自相知

詠霜朝城上鳥

王拊

霜旦早暉通城鳥漸颺空聲喧高壘疑外曲韻楚琴中樓
寒映曉日竿迴噪朝風雖狎金墉上獨一作畏虎賁一作弓

鳥

李嶠

日路朝飛急霜臺夕影寒聯翮依日樹迢遞繞風竿白首
何年改清琴此夜彈靈臺如可託千里向長安

鵲

看柳上鵲

魏收見初學記

皆歲心能識登春巢自成立枯隨雨霽依枝須月明疑是
雕籠出當由抵玉驚間關拂條軟迴復振毛輕何獨離婁
意傍人但未聽

詠鵲

蕭紀

欲避新枝滑還向故巢飛今朝數聲喜家信必應歸

鵲

李嶠

不分荆山抵其從石印飛危巢畏風急繞樹覺星稀喜逐
行人至愁隨織女歸儻遊明鏡裏朝夕動一作光輝類詩
教明鏡裏朝夕有光蟻

山行見鵲巢

蔣冽

鵲巢性本高更在西山木朝下清泉戲夜近明月宿非直

避網羅兼能免傾覆豈復一作憂五陵子挾彈來相逐

夜飛鵲

前人

北林夜方久南月影頻移何宮飛三匝猶言未得枝

壬申閏秋題贈烏鵲

繞樹無依月正高鄴城新淚濺雲袍幾年始得逢秋閏兩度填河莫告勞

鄜州進白野鵲

薛能

輕毛疊雪翅開霜紅觜能深練尾長名應玉符朝北闕色柔金性瑞西方不憂雲路填河遠為對天顏送喜忙從此定知栖息處月官瓊樹是仙鄉

鴈

詠鴈

一作賤得隴抵鴈初飛

梁簡文帝

高翔憚濶海下去怯虞機霧闇早相失沙明還共飛隴狹朝聲亂風急暮行稀雖殄輪臺援七小解龍城圍相思不得及且寄別書歸

夜聽鴈蕭

子範

天月廣夜輝遊鴈犯霜飛連翩辭朔氣嘹唳獨南歸夜長寒復靜燈光暖類聚作暖欲微悽悽不可聽何況觸愁機

詠鴈

王褒

伺朝聞曙響妬隴類聚作壘有春暈豈若雲中鴈秋時寒外歸河長猶可涉海濶故難飛霜多聲轉急風踈行屢稀園池若可至不復怯虞機

失羣鴈并序

盧昭隣

溫縣明府以鴈詩垂示余以為古之郎官出宰百里今之
墨綬入應千官事止鴈行未宜傷歎至如羸卧空石者乃
可為失羣慟耳聊因伏枕多暇以斯文應之

三秋北地雪皚皚萬里南翔渡海來欲隨石鷲沉湘水試
逐銅鳥繞帝臺帝臺銀闕距金塘中間鴛鴦已成行先過
上苑傳書信暫下中州戲稻梁虞人負繳來相及齊客虛
弓忽見傷毛翎顛顛飛無力羽翮摧頽君不識唯有莊周
解愛鳴復道郊歌重竒色惆悵驚思悲未已徘徊自憐岡
中一作中岡極傳聞有鳥集朝陽詎勝仙鳧邇帝鄉雲間海上
應鳴舞遠得鷓鴣弦猶獨撫金龜全寫中牟印玉鵠當變策

蘇金顧君弄影鳳凰池時憶籠中摧折羽

同臨津紀明府孤鴈

前人

三秋違北鴈一作地萬里向南翔河洲花稍白關塞葉初黃
避繳風霜勁懷書道路長水流疑箭動月照似弓傷橫天
無有陣度海不成行會刷能鳴羽還赴上林鄉

秋鴈

駱賓王

聯翩辭海曲搖曳指江干陣居金河冷書歸玉塞寒帶月
陵空易迷煙逗浦難何當同顧影刷羽泛清瀾

同張二詠鴈

前人

嘒藻滄江一作梧非遠銜蘆紫塞長霧深迷曉集作晚非景風急
斷秋行陣照通宵月書封幾夜霜無復能鳴分空口愧稻

梁

南中詠鴈

常承慶

萬里人南去三春鴈北飛不知何歲月得與爾類詩同歸作汝

詠鴈

李嶠

春暉滿朔方歸單題詩鴈發衡陽望月驚弦影排雲結陣

行往還倦南北朝夕苦風霜寄語能鳴侶一作相隨入帝

鄉

同綦母學士月夜聞鴈

張九齡

棲宿豈無意飛飛更遠尋長塗未及伴一作中夜有遺音

月思關山笛集作風號流水琴空瑟兩相應幽感一何深

避繳歸南浦離群叫北林聯翩俱不定憐爾越鄉心

歸鴈

杜甫

聞道今春鴈南歸自廣州見花辭漲海避雪到羅浮是物

關兵氣何時免客愁年年霜露隔不過五湖秋

孤鴈

前人

孤鴈不飲啄飛鳴聲念群誰憐一片影相失萬重雲望盡

似猶見哀多如更一作聞野鷗無意緒聲噪自一作紛紛亦

送征鴈

錢起

秋空萬里靜嘹唳獨一作南征風急翻霜冷雲開見月驚

寒長憐去翼影滅有餘聲帳望遙天外鄉滿愁日生

沙上鴈

耿緯

衡陽多道里弱羽復哀音還塞如何日驚弦亂此心夜陰

前侶遠秋冷後湖深獨立汀洲意唯憂霜霰侵

早鴈

杜牧

金河秋半虜弦開雲上

集作外

驚飛四散哀仙掌月明孤影

過長門燈暗幾聲來

一作未

隨胡馬翩翩去

集作須知胡騎紛紛在

豈逐春風一一迴

一作好是

瀟湘少人處水多菰米岸莓

苔

同前

顧非熊

逐暖來南國迎風不背朔雲下時波勢出起處陣形分聲急

奔前侶行低續後群何人寄書札絕域一可知聞

同前

鄭谷

八月悲風九月霜蓼花紅淡葦條黃石罅城下波搖影星

子濟西雲間行散馬散漁家吹短笛失群征戍鏢殘陽故鄉

聞爾亦惆悵何況扁舟非故鄉

新鴈

杜荀鶴

莫天新鴈起汀洲紅蓼花疎

絕句詩選作開

水國秋想得故國今

夜月幾人相憶在江樓

歸鴈

陸龜蒙

北走南征像我曹天涯迢遞翼應勞似悲邊雪音猶若初

背岳雲行未高月島聚栖防暗繳風灘斜起避驚濤時人

不問隨陽

一作揚臺非

意空拾欄邊翡翠毛

鷺

鷺

李嶠

芳樹雜花紅群鸞亂曉空聲分折楊吹一作柳嬌韻落梅風

寫轉清絃裏遷喬暗木中友生若何疑作可冀幽谷響還通

集作曉既度花紅開關亂曉空乍離幽谷日先轉上林風翔集春壺側低昂錦帳中聲詩辨搏黍此與思無窮

同前

鄭縉

欲轉聲猶澁將飛羽未調高風不借便何處得遷喬

龜茲聞鸞

梁陟

邊樹正參差新鸞復陸離嬌非胡俗變啼是漢音移繡羽

花間覆繁聲風外吹人言曾不辨鳥語却相知出谷情何

寄遷喬義取斯今朝卿陌伴幾處坐高枝

聽宮鸞

春樹遶宮墻宮鸞次第翔忽驚啼欲斷移處呀還長隱葉

樓承露桃花出未央遊人未應返為此始思鄉

春曉聞鸞

武元衡

寂寂蘭堂曉夢驚綠林斜集作殘月思孤鸞猶一作獨疑蜀魄

千年恨一作變非化作禽冤萬轉聲

奉和武相公春曉聞鸞

許孟容

碧樹當窓啼曉鸞間關入夢聽難成千回萬轉盡愁思疑

是血魂哀困聲

同前

李益

蜀道山川心易驚綠窓魂絕句詩選作殘夢曉聞鸞分明似雪文

君恨萬恨千愁絃上聲

同前

于敖

玉繩河漢曉縱橫萬籟潛收鷺獨鳴能將百轉清心骨寧
止閑窓夢不成

同前

皇甫鏞

華館沉沉曙境清伯勞初轉月微明不知台座宵吟久猶
向花窓驚夢聲

黃鸞

鄭谷

春雲澹澹

集作薄薄

日輝輝宮樹煙深隔水飛應為能歌繫仙

籍麻姑乞與女真衣

文苑英華卷第三百二十八

終

文苑英華卷第三百二十九

詩一百七十九

禽獸二

附蟲

百舌五首

鸚鵡七首

鴛鴦四首

鸕鶿二首

孔雀二首

鷺鷥四首

雞雉二首

鷓鴣五首

鳧二首

鷗一首

鵝鴨二首

燕十七首

雀四首

子鳩六首

雜題五首

蝶三首

蜂一首

螢十一首

百舌

詠百舌

劉孝緯

山人惜春暮旭旦坐花林復值懷春鳥枝間弄好音遷喬
聲迴出赴谷響幽深乍聽長而短時聞絕復尋孤鳴若無
對百轉似群吟昔聞屢歡昔今聽忽悲今聞聽非殊異遲
暮獨傷心

聽百舌

徐休妻劉氏

庭榭旦新晴臨鏡出雕楹風吹桃李氣過傳春鳥聲淨寫
山陽笛金作洛濱笙注意起出觀類聚作歡留聽誤令粧不成
在長安聽百舌

陳聘使常鼎

萬里風煙異一鳥忽相驚那能對遠客還作故鄉聲

聽百舌鳥

李元操

烟銷上路靜漏盡禁門通好鳥從西苑流響入南宮間關
既多緒變轉復無窮調驚時斷絕音繁有異同飲啄歸承
露飛鳴上別風未避王孫謂寧畏虎賁弓石渠皆學府麟
閣悉文雉不悵一作惟青泥印時尋白杜中

汝濱秋事同仙州王長史翰聞百舌鳥 祖詠

秋天聞好鳥驚起出簾帷却念殊芳月能鳴已後時遷喬
誠可早出谷此何遲顧影慙無對懷群增所思淒涼歲欲
晚蕭索燕將辭留聽未終曲彌令心獨悲高飛憑力致巧
轉任天姿返覆知而靜間關斷若遺花繁上苑路霜落汝
川涓且長陵風翻乘春自有期

鸚鵡

同蔡孚起居詠鸚鵡

胡皓

鸚鵡殊姿致鸞鳳得比肩常尋金殿裏每話玉階前
賈誼才方達揚雄老未遷能言既有地何惜為聞天

詠鸚鵡

裴說

常貴西山鳥銜恩在玉堂語傳明主意一作拂美人香
綏步尋珠網高飛上畫梁長安頰道樂何日從君王

同前

李義甫

牽弋辭重海觸網去層巒戢羽雕籠際延思彩霧端
慕侶朝聲切離群夜影寒能言殊可貴相助憶長安

同前

杜甫

鸚鵡含愁思聰明憶別離翠衿渾短盡紅嘴謾多知
未有開籠日空殘舊宿枝世人憐後損何用羽毛奇

初出金門尋王侍郎不遇詠壁上鸚鵡 李白

落羽辭金殿一作孤鳴託集作繡衣能言終見棄還向隴

山飛

鸚鵡

白居易

隴西鸚鵡到江東養得經年嘴漸紅常恐思歸先翦翅
每因餽食暫開籠人憐巧語情雖重鳥憶高飛意不同
應似朱門欲舞妓深藏牢閉在房中

同前

吳英秀

莫把金籠閉鸚鵡箇箇聰明解人語忽然更向君前言三

十六宮愁幾許

鴛鴦

和友人鴛鴦之什三首

崔珣

翠鬣紅毛舞夕暉
水禽情似此禽稀
暫分烟島猶迴首
只渡寒塘亦並一作共飛
映霧乍迷金殿瓦
逐梭齊上一作還似玉人機
採蓮無恨蘭橈女
笑指中流羨爾歸

二

寂寂春塘煙晚時
一作曉兩心如影共依依
溪頭日暖眠沙穩
渡口風寒浴浪稀
翡翠莫誇饒彩飾
鸕鶿須羨好毛衣
蘭深芷密無人見
相逐相呼何處歸

三

舞鶴翔鸞俱別離
可憐生死兩相隨
紅絲毳落眠沙處
白雪花成蹙浪時
琴上只聞交頸語
窓前空展共飛時
如何相見長相對
肯羨人間多所思

鴛鴦

羅鄴

江雲一作紅閑碧靜霽煙開
錦翅一作輕飛雙雙去又迴
一種鳥憐一作連名字好
祗緣人恨別離來
暖依牛渚江
蒨媚夕宿龍池
禁漏催相對
若教秦女見
便應携一作同上鳳凰臺

鷓鴣

鷓鴣

杜甫

故使籠寬織
須知動損毛
看雲莫悵望
失水任呼號
六翮曾經剪
孤飛只未高
且無膺隼慮
留滯莫辭勞

同前

唐彦謙

一宿南塘煙雨時好風搖動綠波微驚離曉岸衝花去暖
下春汀照影飛華屋懔絃彈鼓舞綺窓含筆澹毛衣盡屏
見後長迴首爭得雕籠莫放歸

孔雀

西川使宅有常大尉集作時孔雀存焉暇日因與

諸公同翫座中兼故府賓御集作妓興歎集作者久

之因賦是集作此詩用廣其意 武元衡

荀令昔君此故巢智越禽動搖金翠尾飛舞玉池一作暉又作階

陰一作碧梧音上客撤瑤琴美人傷蕙心會因南國使歸放海

雲深

孔雀

薛能

偶有功名正俗才靈禽何事降瑤臺天仙黼黻毛應是宮

后屏慵尾忽開曾處嶂中真霧隱每過庭下似春來佳人

爲我和衫拍遣作傴僂一作送一盃

鷺鷥

鷺鷥

張祐

深窺思不窮揭趾淺沙中一點山光淨孤飛潭影空暗棲

松葉露雙一作輕下蓼花風好是滄波侶垂絲趣亦同

同前

鄭谷

閑立春塘一作煙澹澹靜眠寒葦雨颼颼漁翁歸後沙汀

晚集作汀飛下雜詠灘頭更自由

同前

裴說

秋江清淺時魚過亦頻窺却為分明極翻成集作所得遲
浴隈紅日色棲壓碧蘆枝會共鷓同侶翱翔應可期

同前

羅隱

斜陽澹澹柳陰陰風裏寒絲映水深不要雜詠作向人誇
潔白也知長雜詠作有羨魚心

鷓雉

山鷄

溫庭筠

石集作壑動晴景山禽陵翠微繡翎翻草去紅觜啄花歸
巢暖碧雲色影孤清鏡輝不知春樹畔何處又分飛

雉

李嶠

白雉振朝聲飛來表太平楚郊疑鳳出陳寶若雞鳴董
懷仁至中郎作賦成冀君看飲啄耿介獨含情

鷓鴣

鷓鴣啼

韋應物

可憐鷓鴣飛飛向樹南枝南枝日照暖北枝霜霧滋露滋
不堪栖使我夜常啼願逢雲中鶴銜我向廖廓願作城上
鳥一年生九雛何不舊巢住枝弱不得一作去何意道辛

苦客子常畏人

九子坂

一作開鷓鴣

李羣玉

落照蒼茫秋草明鷓鴣啼處遠人行正穿屈曲崎嶇路又
聽鈞鞀格磔聲曾泊桂江深岸雨亦於梅嶺阻歸程此時

為爾勝千斷定是今宵白髮生

鷓鴣

鄭谷

暖戲烟蕪錦翼齊品流應得近山雞雨昏青草湖邊過花

落黃庭廟裏啼行客集作子乍聞征袖濕歌集作佳人纔唱翠

眉低相呼相喚湘江濶集作相應苦竹叢深春日西

同前

常莊

南禽無侶似相依錦翅雙雙傍馬飛孤竹廟前啼暮雨汨

羅祠類詩作江畔弔殘暉秦人只解歌為曲越女空能畫作衣

懊惱澤家鷓鴣之音澤非有恨非類詩年年長憶鳳城歸

放鷓鴣

羅鄴

好傍青山與碧溪刺桐毛竹一作待雙棲花時遷客傷離

鷓鴣向相思樹上啼

鳧

賦得泚泚水中鳧

江惣

歸鳧沸卉同亂下方塘中出沒時銜藻飛鳴忽颺風浮深

或不息戲廣若乘空春鸚徒有賦還笑在金籠

鳧

李嶠

颯沓睢陽涘浮遊漢渚隈錢飛出井見鶴引入琴哀李陵

賦單題詩作詩罷王喬曳鳥來何當歸太液翔集動成雷

鷗

詠白鷗

何遜

可憐雙白鷗朝共水上遊何言異栖息雌住雄不留

孤飛出淑浦類聚作浦淑獨宿下滄洲東西從此去影響絕無

由

鵝鴨

題鵝

李商隱

眠沙卧水自成群曲岸斜集作殘陽極浦雲那得集作解將心

憐孔翠集作雀羈雌長共故雄分

花鴨

杜甫

花鴨無泥滓塔前每緩行羽毛知獨立黑白大分明不覺群心妬休牽衆眼驚稻梁霑汝在作意莫先鳴

鷺

詠新鷺

梁昭明太子類聚作梁簡文帝

新禽應節歸俱向吹樓飛入簾驚釧響來窓疑類聚作礙舞衣

詠鷺

吳均

一鷺海上來一鷺高堂息一朝相逢遇依然舊相識問爾類聚作余來何遲山川幾紆直答言海路長風多類聚作駛飛無力

詠簷鷺

庾有吾

雙燕集蘭閨雙飛高復低向戶疑新箔登巢識故泥依欄本相賀近幕願同栖

和晉安王詠鷺

前人

可憐幕上鷺差池弄羽衣夜夜同巢宿朝朝相背飛銜泥瞻樂善相賀奉英徽秋蟬行寂寞戀此未辭歸

啣泥雙燕

蕭詮

啣泥金屋外表瑞玉筐中學飛疑漢妾巢幕憚吳宮瓜截
還猶短窠成常不空一作巢成詎並零陵石飛舞逐春風

賦得戲燕俱宿

盧世基

大厦初構與雲齊歸燕雙入正啣泥欲繞歌梁向舞閣偶
為仙履往蘭閨千里爭飛會難並聊向吳宮比翼栖

燕

李嶠

天女伺辰至玄依澹碧空差池沐時雨頡頏舞春風相賀

雕楹側雙飛翠幕中勿

單題詩作忽

驚留瓜去猶冀識吳宮

吳地

記吳宮人剪燕爪番之以記更來

燕巢軍幕

宋之問

非關憐翠幕不是厭朱樓故來呈燕頰報道欲封侯

春燕

徐壁

雙燕今朝至何時發海濱窺人向簷語

一作窺簷向人語

如道

鄉春

詠燕

張九齡

海燕何微眇乘春亦暫來豈知泥滓賤祇見玉堂開繡戶

時雙入雕梁

集作華軒

日幾迴無心與物競膺隼莫相猜

燕啣泥

馮渚

雙燕碌碌飛入屋屋中老人喜燕歸徘徊繞我床頭飛去

年為爾逐黃雀雨多屋漏泥土落爾莫厭老翁茅屋低梁

頭作窠梁下棲爾不見東家黃鸞鳴嘖嘖虵盤瓦溝鼠穿

壁豪家大屋爾莫居驕兒少婦採爾雛井旁寫水泥自足

御泥上屋隨爾欲

同前

常應物

御泥鸞聲婁婁尾泚泚秋去何所歸春還復相見豈不解
决絕高飛碧雲裏何為地上啣泥滓啣泥雖賤意有營杏
梁朝日巢欲成不見百鳥畏人林野宿翻遭羅網俎其肉
未若啣泥入華屋鸞啣泥百鳥之智莫與齊

賦得早燕送別

李益

碧草漫

一作縵

如線來去

集作去來

雙飛燕長門未有春先入班

姬殿梁空繞復

一作不

息簷寒窺欲遍今至隨紅藥

集作夢

昔

遠悲素扇一別與秋鴻差池詎相見

詠燕示劉叟

劉叟有愛子背叟逃走一作去叟甚悲念之叟少年時亦嘗如是作燕詩

以吟

梁上有雙燕翩翩雄與雌啣泥兩椽間一巢生四兒四兒
日夜長索食聲孜孜青蟲不易捕黃口無飽期莆瓜雖欲
弊心力不知疲湏臾十來往猶恐巢中飢辛勤三十日母
瘦鷓漸肥喃喃教言語一一刷毛衣一旦羽翼成引上庭
樹枝舉翅不迴頭集作顧隨風四散飛雌雄空中鳴聲盡呼
不歸却入空巢裏啁啾終夜悲燕燕爾勿悲爾當反自思
思爾為鷓日高飛背母時當時父母念今日爾應知

洞房燕

張祐

清曉洞房開佳人喜燕來乍疑釵上動輕似掌中迴暗語
臨集作通愬戶深窺傍鏡臺粧集作粧正含思莫拂盡梁埃

文苑英華

周書

燕

鄭谷

年去年來來去忙春寒煙暝度瀟湘低飛綠岸和梅雨散

集作入紅樓棟一作杏梁閑几硯中窺水淺落花徑裏得

泥香千言萬語無人會又逐流鶯過短墻

巢燕

湖汾

燕來巢我簷我屋非高大所貴兒童善保爾無殃禍莫巢

孀婦家孀婦怨孤坐妬爾長雙飛打爾危巢破

雀

詠雀

沈趨

體類詩薄少滋胸色淺非丹翠不懼越王羞寧懷秦后珥

傍簷葺寒草循塢啄餘穗且欣大厦成焉須鴻鵠志

同前

李嶠

大厦初成日嘉賓集否梁街書表周瑞入幕應王祥暮宿

空集作江城裏朝遊漣水傍願齊鴻鵠志希逐鳳凰翔

義雀行和朱評事

賈島

玄鳥鳴雉俱春雷驚蟄餘口啣黃河泥室宜集作空即翔天隅

一夕背集作皆莫歸曉曉遺衆雛雙雀抱仁義哺之忘勞劬

集作哺食衆雛既儷飛集作雛既雲開聲相呼燕雀雖微

類集作燕感感媿誠集作雀不殊禽賢難自彰幸蒙主人

書

詹雀

楊發

弱羽怯孤飛投簷幸所依銜環唯報德賀厦本知歸紅觜

體爭顏丹心自識機從來攀鳳足生死戀光輝

子規

攝山聽子規

顧况

棲霞山中子規鳥口中血出啼不了山僧夜後初入來一作
定聞似不聞山月曉

山中聽子規

前人

幽人自愛

前篇作野人愛向

又近

前篇作况近

窓邊

前篇作庭前

子規

杜宇冤亡積有時年年啼血動人悲若教恨魄皆能化何
樹何山着子規

聞子規

杜荀鶴

楚天空闊月成輪蜀魄聲聲似告人啼得血流無用處不
如緘口過殘春

子規思

陳陶

春山杜鵑來幾日夜啼南家復北家野人聽此坐惆悵恐
畏踏落東園花

聞子規

羅鄴

蜀魄千年尚怨誰聲聲啼血向花枝滿山明月東風夜正
是愁人不寐時

雜題

望栖鳥

劉孝威

夕鳥亂參差單雄雜寡雌
聯翻歸葉裏出沒澡林垂
爭栖

時易樹驚飛忽度枝雖無繫書重亦有含櫻疲以茲憔悴
力重逢輕薄兒珠丸蘇含彈金繳青絲縻豈意翩翩羽遂
免更羸危入懷欣得地依林竊願知

病鴟

韓愈

屋東惡水溝有鴟墜集作墮鳴悲青泥掩兩翅拍拍不得離

群童叫相召瓦礫爭先之計校生平事殺却理亦宜奪攘

不愧耻飽滿盤天嬉晴日占光景高風送集作送追隨遂集作

疑陵鸞風羣肯顧鴻鵠集作鵠早今者運命窮遭逢巧丸兒

中汝要害處汝能不得施於吾乃何有不忍乘其危救集作

丐汝將死命浴以清水池朝飡輟魚肉暝宿防狐狸自知

無以致蒙德久猶疑飽入深竹叢饑來傍集作上皆基諒無

責報心固以聽所為昨日有氣力飛跳弄藩籬今辰忽徑

去曾不報我知僥倖非汝福天衢汝休窺京城事彈射豎

子豈集作不易欺勿諱泥坑辱泥坑乃良規

題戴勝

賈島

星點花冠道士依紫陽宮女化身飛能傳上界春消息若

到蓬山莫放歸

啄木兒

朱餘慶

丁丁向晚急還稀啄遍類詩作盡庭槐未肯歸終日與類詩作爲君

除嘉害莫嫌集作真無事不頻飛

越鳥

鄭谷

背霜南鴈不到處倚禕北人初聽時梅雨滿江春草歇一

文苑英華 卷一百一十九
聲聲在荔枝枝

蝶

詠花蝶

温子昇

素蝶向林飛紅花逐風散花蝶俱不息紅素還相亂芬芬
共襲予歲粧徒可玩可慰行客心遽動離君疑作歎

蝶

羅隱

漢王刀筆精寫爾逼天生舞巧何防急飛高所恨輕野田
黃雀憲山館主人情此物那堪作莊周夢不成

同前

李商隱

飛來繡戶陰穿過畫樓深重傳秦臺粉輕塗漢殿金相兼
唯柳絮所得是花心可要陵孤客邀為子夜吟

蜂

蜂

前人

小集作

苑華池爛漫通後門前檻思無窮宓妃腰細纔勝

沙

露趙后身輕欲倚風紅壁寂寥崖窈窕盡碧簷

集作

迢迢霧

巢空青陵粉蝶休離恨長定

一作

相逢二月中

螢

詠螢

梁簡文帝

本將秋草并

類聚

今與夕風輕騰空類星質拂樹若花生

屏疑神火照簾似夜珠明逢君拾光彩不恡此身傾

月中飛螢

紀少瑜

遠度時依幕斜來如畏窻向月光還盡臨池影更雙

詠螢

沈旋

火中變腐草明滅靡恒調雨墜弗虧光陽昇反奪照泊樹
類奔星集草疑餘燦望之如可灼攬之徒有耀

照帙秋螢

楊縉

秋窓餘照盡入照早螢來忽聚還同色恒然詎落灰飛影
黃金散依帷縹帙開含明終不息夜月空徘徊

詠螢

于季子

卉草誠幽賤枯朽絕因依忽逢惜疑羽翼不覺生光輝
念恩華重長嗟報効微方思助日月為許願曾二字飛

同前

嘉運

映水光難定凌虛體一自輕夜風吹不滅秋露洗還明向燭

仍裁燭投書更有情猶將一流亂影來此傍簷楹

詠秋螢

虞世南

的歷流光小飄颻弱翅輕恐畏無人識獨自暗中明

螢火

杜甫

幸因腐草出敢近太陽飛未足臨書卷時能點客衣隨風
隔幔小帶雨傍林微十月清霜重飄零何處歸

螢

羅隱

空集作秋庭夜未央點集作點的度危集作西墻抱影何卑集作微

細乘時忽發揚不思因腐草便擬倚孤光若道通文翰集作

照能通車公業豈長

同前

唐彥謙

日下蕪城莽蒼中濕螢掩亂起衰叢寒煙陳后長門閉夜
雨隋家舊苑空星散欲陵前檻月影低如試北窓風羈人
此夕方愁緒心似寒灰首似蓬

同前

周繇

熠熠與娟娟池塘竹樹邊亂飛同曳火成聚却無烟微雨
灑不滅輕風吹欲燃舊曾書按上頻把作囊懸

文苑英華卷第三百二十九

文苑英華卷第三百二十

詩一百八

禽獸三

魚 蟲

蟬二十二首

促織二首

蜘蛛一首

馬三十三首

猿三首

獺一首

魚四首

龜一首

蟬

詠蟬

楮雲

避雀喬

類聚作芳

枝裏飛空華殿曲天寒響屢嘶日暮聲逾速

類聚作促

繁吟如欲盡長韻還相續飲露非表清輕身易知足

後堂聽蟬

蕭子範

試逐微風遠，聊隨夏葉繁。輕飛避楚雀，飲露入吳園。流音繞藂藿，餘響切高軒。借問邊城客，傷情寧可言。

同陸廷尉驚早蟬

沈君攸

日暮野風生，林蟬候節鳴。望枝疑數處，尋空定一聲。地幽吟不斲，葉動噪羣驚。獨有河陽令，偏憐秋翅輕。

賦得新題寒樹晚蟬踈

張正見

寒蟬噪楊柳，應朔吹

類聚作朔吹犯

梧桐葉迴飛，難住枝殘影。共

空聲踈，飲露後唱絕小園

類聚作斷絃

中還因搖落處，寂寞盡

秋風

賦得秋蟬鳴柳應衝陽王教

前人

秋氣爽遙天，園柳集

集作裊

驚蟬競噪長枝裏，爭飛落葉前

風高知響急，樹近覺聲連。長楊流喝盡，詎識蔡邕絃。

在獄詠蟬

駱賓王

西陸蟬聲唱，南冠客思侵。那堪玄鬢影，來對白頭吟。露重

飛難進，風多響易沉。無人信高潔，誰為表清心。

集作予心

始聞夏蟬

常應物

徂夏暑未晏，鳴蟬

集作蟬鳴

景已曛。一聽知何處，高樹但侵雲。

響悲遇衰齒，節謝屬離群。還憶郊園日，獨向此

集作澗

中聞

新蟬

耿緯

今朝蟬忽鳴，遷客若為情。便覺一年謝，能令萬感生。微風

方蒲樹落日

類詩作葉

稍沉城為問，同懷者。淒涼聽幾聲。

新蟬酬劉夢得見寄

白居易

開緘思浩然集作獨詠晚風前人貌非昨集作前日蟬聲似

去年槐花新雨地柳影欲秋天聽罷無他計相思又一篇

聞蟬寄賈島

姚合

秋來吟更苦集作未秋吟更苦半煙半隨風禪客嫌心集作心應亂遊

人願耳集作耳願聾雨晴高樹裏日晚古城中遠思應難盡誰

當與我同

客中聞早蟬

于武陵

江頭一聲起芳歲已難留聽此高林上遙知故國秋應催

風落葉似勸客回舟不是新蟬苦年年自可愁

病蟬

賈島

病蟬飛不得向我掌中行折翼猶能薄酸吟尚極清露華

疑在腹塵點誤侵晴黃雀燕鷲鳥俱懷害爾情

風蟬

風蟬旦夕鳴伴葉送新聲故里客歸盡水邊身獨行躁軒

高樹合驚枕暮山橫聽處無人見塵埃蒲飈生

早蟬

薛能

不見上庭樹日高聲忽吟他人豈無耳遠客自關心暫落

還因雨橫飛亦向林分明去年意從此漸聞砧

聽蟬

趙嘏

躁蟬聲亂日初曛絃管樓中永不聞爭詩選作獨奈愁人數輩

鬢詩選作髮故園秋隔五湖雲

蟬

雍陶

高樹蟬聲入晚雲不唯愁我亦愁君何時各得身類詩作心無事每到聞時似不聞

蟬

張喬

先秋蟬一悲長是客行時曾感去年者又鳴何處枝細聽殘韻在迴望舊聲遲斷續誰家樹涼風送別離

蟬

許棠

造化全微物偏宜應候鳴初離何處樹又發去年聲騷屑隨風遠悠揚類葉輕報秋涼漸至嘶夜思偏清默守疑相答微搖似欲行繁音人已厭朽殼蟻猶爭朝士嚴冠飾宮嬪送翼名亂依西月噪多引北歸情蓀露疑潛吸蛛絲迸忽繁此時吟立久萬緒一時生

蟬集作聽新蟬寄張畫

方干

細聲頻斷續審聽亦難分鬢髮應移處從容却不聞蘭樓朝咽露樹隱啜吟雲若集作莫遣鄉愁起吾懷只是集作似君

蟬

羅勣

纔入新秋百感生就中蟬噪最堪驚能催時節凋雙鬢類詩作對到江山聽一聲不傍管絃拘醉態偏依楊柳撓類詩作引離情故園聞處猶惆悵况是經年萬里行

蟬

羅隱

天地工夫一不遺與君聲調借君綏風栖露飽今如此應忘當年滓濁時

夜蟬

唐彥謙

翠竹高梧夾後溪勁風危露雨淒淒那知北牖殘燈暗又
送西樓片月低清夜更長應未已遠煙尋斷莫頻嘶羈人
此夕如三歲不整寒衾待曙鷄

促織

杜甫

促織甚微細哀聲何動人草根吟不穩床下夜相親久客
得無淚放集作故妻難及最悲絲集作絃與急管感激異天真

同前

張喬

念爾無機自有情迎寒辛苦弄梭聲椒房金屋曾何織偏
向貧家壁下鳴

蜘蛛

孟郊

萬類皆有性各各稟天和蠶身為爾集作與汝身爾身何大訛

蠶身不為已爾心集作身不為他蠶絲為衣裳爾絲為網羅

濟物既無功害物口已多集作自蟲雖有集作切恨其將柰爾何

馬

西齋行馬

梁簡文帝

晨風白金絡桃花紫玉珂影斜鞭照耀塵起足蹉跎任俠
稱六輔輕薄出三河風吹鳳凰袖日映織成靴遠江艫舳
少遙山煙霧多雲開瑪瑙華類聚作葉水淨琉璃波廣路拂青
柳回塘繞碧莎不効孫吳術寧須趙李過

繫馬

同前

青驪沉赭汗綠地懸花蹄未垂青鞵尾猶掛紫障泥蝶足
鞞中擗搖頭檻上嘶紫關如未息直去取榆溪

賦詠登山馬

阮文帝

登山馬逕小逕小馬終通汗楮疑沾動衣香不逐風何殊
隴頭望遙識初連東

後園看騎馬

同前

良馬出蘭池連翩驅桂枝鳴珂隨跼蹶輕塵逐影移香來
知驟近汗歛覺風吹遙望黃金駱懸識幽并兒

賦得馬

劉珊

獨欲臨寒窟離群思北風陳王欲觀舞御史自隨驄邊聲
墮客淚果下益桃紅恒持沛艾影解向平陵東

賦得邊馬有歸心

沈炯

窮秋邊馬肥向塞甚思歸連鑣渡蒲海束舌下金微

魚麗陣將摧鶴翼圍彌憶長秋道金鞍類聚作鞞背落暉

登山馬

梁簡文帝

登山馬間樹玉勒黃金裝草合宜韉短影轉見鞭長何殊
八公岫暫上淮南王

詠馬

楊師道

寶馬權竒出未央彫鞍照曜紫金裝春草初生馳上苑秋
風欲動戲長楊鳴珂屢度章臺側細蹠經向濯龍傍徒令
漢將連年去宛城今已馘初學記作獻名王

病馬

杜甫

葉汝集作爾亦已久天寒關寒深塵中老盡力歲晚病傷心
毛骨豈殊衆馴良猶至今物微意不淺感激集作動一沉吟

英華題杜甫病馬詩三首總目同第一篇至此自僻遠又非珠玉裝如何有奇恠每夜吐光忙虎氣必騰上龍自寧久藏風塵若未息持汝奉明王按本集乃著劍詩現詞意亦然其病馬只是一首當時誤編

羽林騎

韓翃

駿馬牽來御柳中
鳴鞭欲過渭橋東
紅蹄亂踏春殘雪花
領頻嘶上花風

觀調馬

前人

鴛鴦赭白齒新齊
晚日花中教碧蹄
玉勒斗回初噴沫
金鞭欲下不成嘶

奉和劉祭酒傷白馬

此馬勅賜寧王轉贈祭酒嚴維

沛艾如龍馬來從
上苑中棣華恩見賜
伯舅禮仍崇
鏡點黃金眼花開
白雪驥性柔
君子德足逸
大王風色照
鳴珂

淨聲連噴玉
雄食場恩未盡
過隙命旋終
練影依雲沒
銀鞍向月空
仍聞樂府唱
猶念代勞功

詠老馬

沈炯

昔日從戎陣
流汗幾東西
一日馳千里
三丈拔深溪
渡水頻傷骨
翻霜屢損蹄
勿言年齒暮
尋途尚不迷

詠飲馬

唐太宗

駿骨飲長涇
奔流洒絡繹
細紋連噴聚
亂荇遶啼縈
水光鞍上側
馬影溜集作流中橫
翻似天池裏
騰波龍種生

詠飲馬應詔

清晨控龍馬
弄影出花林
躑躅依春澗
聯翩度碧潯
苔流染絲絡
水潔寫雕簪
一御瑤池駕
詎憶長城陰

蒙裴相公集作司空賜馬謹以詩謝 張籍

綠耳新駒已有集作駿得名司空自選集作遠自寄書生遠集作作離

華廡移蹄澁初到貧家覺眼驚每見閑人多被集作來借問唯

集作多尋古寺獨騎行思量幾夜集作長思歲旦沙堤上得從鳴珂

倚集作傍火城

酬張秘書因寄馬贈詩 裴度

蒲城馳逐皆求馬古寺閑行獨與君代步本慙非逸足緣

情何幸枉高文若逢佳麗從集作源將換莫共駑駘角出群

飛控着鞭能顧我當時王粲亦從軍

和前 李絳

高才名價欲凌雲上駟老華遠贈君念舊露垂丞相簡感

知墨動客卿文縱橫逸氣寧稱力馳聘長途定出群伏

莫令空度歲黃金結束取功勳

同前集作賀張十八秘書得裴司空馬 韓愈

司空遠寄養初成衫集作毛色桃花眼鏡明落日已曾交轡

語春風還擬並鞍行長令奴僕知饑渴須着賢良待性情

且夕公歸申一作仲拜謝免勞騎去雜詠作去騎 逐雙旌

同前 張賈

閣下從容舊客卿寄來駿馬賞高情司空詩云古寺閑行獨與君 任追

煙景騎仍醉知有文章倚便成步步自憐春日影蕭蕭猶

起朔風聲須知上宰吹噓意送入天門上路行

同前 元稹

丞相功高厭武名，牽將戰馬寄儒生。
四蹄荀距藏雖盡，六尺鬚頭見尚驚。
減粟偷兒憎未飽，騎驢詩客罵先行。
勸君還却司空著，莫遣衙參傍子城。

同前

白居易

齒齋臆足毛頭膩，祕閣張家

集作即

叱撥駒洗了，領花翻假

錦走時蹄汗踏，真珠青衫乍見曾。
驚否紅粟難賒得，飽無丞相寄來應。
有意遣君騎去上雲衢。

同前

集作裴相公大學士見示答張秘書謝馬詩并群公屬和因命追作

劉禹錫

草玄門戶少塵埃，丞相并州寄馬來。
初自塞垣啣首宿，忽行幽徑破莓苔。
尋花緩轡威遲去，帶酒垂鞭蹊蹠迴。
不與王侯與詞客，知輕富貴重清才。

駑驥吟

韓愈

駑駘誠齷齪，市者何其稠。
力小若易制，價微良易酬。
渴飲一斗水，饑食一束芻。
嘶嘶當大路，志氣若有餘。
駑驥生絕

域自矜無匹儔，牽驅

集作什驅志平

入市門行者，不為留借問價幾

何黃金比崇

集作高

丘借問行幾何，咫尺視九州。
饑食玉山

禾，渴飲醴泉流。問誰能為御，曠世不可求。
唯昔穆天子，乘之極遐遊。
王良執其轡，造父夾其軻。
集作挾其軻因言天外事，恍

惚使人愁。駑駘謂駑驥，餓死余爾羞。
有能必見用，有德必

見收。孰云時與命，通塞皆自由。
駑驥不敢言，徘徊但垂頭。
人皆劣駑驥，共以駑駘優。
喟予獨興嘆，才命不同謀。
寄詩

同心子為我商

集作高

聲謳

答韓十八駕驥吟

歐陽詹

故人舒其憤昨示駕驥篇駑以集作取易售陳驥以難知言

委曲感既深咨嗟詞亦殷伊情有遠瀾余志遜其源室在

周孔堂道通堯舜門調雅聲寡同途遐勢難翻顧茲萬恨

來假彼二物云賤貴而貴賤世人良共然集作芭蕉一葉

妖茂葵一花妍集作異無才實資手植楷墀前榭柎十圍

瑰松栢百尺堅罔念梁棟功野長丘墟邊傷哉昌黎韓焉

得不迤邐上帝本厚生大君方建元寶一作實將庇羣昨庶

此規崇軒班爾圖永安掄擇期精專君看廣廈中豈有樹

庭集作庭前萱

有小白馬乘馭多時奉使東行至稠桑驛溘然而

斃足可驚傷不能忘情題二十韻 白居易

能驟復能馳翩翩白馬兒毛寒一團雪駮薄萬條絲皂蓋

春行日驪駒曉從時雙旌前獨步五馬內偏騎芳草承蹄

葉垂揚拂頂枝跨將迎好客惜不換妖姬慢鞚遊蕭寺閑

驅醉習池睡來乘作夢興發倚成詩鞭為馴難下鞍綠穩

不離北歸還共到東使亦相隨赭白何曾變玄黃豈得知

嘶風覺聲急踏雲恠行遲昨夜猶芻秣今朝尚繫維卧槽

應不起顧主遂長辭塵滅駸駸跡霜留皎皎姿度關形未

改過隙影難追念倍燕求駿情深項別駒銀收鈎臆帶金

卸絡頭羈何處埋竒骨誰家覓弊帷稠桑門外吟罷涕

雙垂

病馬五首

曹唐

駮駟一作綠耳何年到渥洼一作到別病來顏色半塵沙四蹄不鑿

金一作銀砧裂雙眼慵開玉筯斜墮月兔毛乾斛練一作輕

失雲龍骨瘦查牙一作牙槎平原好放無人放嘶向秋風首宿

花

二

墮上沙窓葉正齊騰黃猶自踞羸蹄尾蟠夜雨紅絲脆頭

掉秋風白練低力憊未思金絡腦影寒空望錦障泥階前

莫恠垂雙淚不遇孫陽不敢嘶又玄集作啮前莫錯雙垂耳不遇孫陽不用嘶

三唐宋類詩指此篇為曹松作

不剪焦毛鬣半翻何人別一作識是古龍孫風吹一作雪侵病骨

無驕氣土蝕驄花見卧痕未噴斷一作得噴雲歸漢苑曾追輕

一作已練過吳門一朝千里心猶在爭一作誰肯潛忘一作施

秣飼恩一作皆唐宋詩類

四

空被秋風吹病毛無因濯浪刷洪濤卧來恣恠龍蹄踞瘦

盡誰驚虎口高追電有心猶疑段逢人相骨強嘶號欲待

鬢鬣重裁剪乞借新成利鉸刀

五

病久無人着意看王革衫疑作毛色欲凋殘飲驚白露泉花

冷喫怕清風豆葉寒長檐敢辭紅錦重舊韉寧畏紫絲蟠

三良若許相搢策千里追風也不難

馬

陳凝

未明龍骨駿幸得到神州自有千金價寧忘伯樂酬雖知
殊欵段莫敢比驂騮若遇追風便當軒一舉頭

浴馬

喻鳧

解控復收鞭長津動細漣空蹄沉綠玉闊臆浸連錢沫漩
橋聲下纏盤柳影邊常聞稟龍性固與白波便

八駿圖

羅隱

穆滿當年物外程電腰風脚一何輕如今縱有驂騮在不
得衣鞭不肯行

猿

詠夜猿啼

蕭玲

林月影才通猿啼迥入風隔巖還嘯侶臨潭自響空掛藤
疑取飲吟枝似避弓別有三聲淚霑裳竟不窮

放猿

許渾

慇懃解金鎖別

雜詠作昨

夜雨淒淒山淺憶巫峽水寒思建溪

每尋紅樹宿深向

類詩作入

白雲啼好去長江路

類詩作好覓來時路又作

好覓南歸略

煙蘿更莫

類詩作莫自

迷

巴江夜猿

馬戴

日飲巴江水還啼巴岸邊秋聲巫雨斷夜影楚雲連雪滴
青楓樹山空明月天誰知泊帆者聽此不能眠

獺

有獺吟

劉禹錫

有懶得嘉魚自謂天見憐先祭不敢食捧鱗望青玄人立
寒沙上心專眼悄悄集作短漁翁以為妖舉塊投其咽呼
兒貫魚歸與懶同烹煎關關黃金鶚大翅搖江煙下見盈
尋魚投身孽洪連攫挈隱嶙去哺雛林岳巔鷓鳥欲伺隙
遙噪莫敢前長居青雲路彈射無由緣何地無江湖何水
無鮪鱸天意不宰割菲祭徒虔虔空餘知禮重載在淹中
篇

魚

賦得魚躍水花生

張正見

漾色桃花水相望濯錦流躍浦疑珠出依池似鏡浮陵波
銜落葉觸餌避沉鈎方遊蓮葉外初學記入武王舟

賦得蓮下游魚

阮卓

春色映澄陂涵詠且相隨未上龍門路聊戲芙蓉池觸浪
蓮香動乘流葉影披相忘自有樂莊惠豈能知

魚

劍影侵波合珠光帶水新蓮東自可戲安用上龍津

放魚

黃金雜錄作金錢贖得免刀痕聞道禽魚亦報雜詠恩好去長

江千萬里不須辛苦上龍門

龜

詠龜

有靈堪作初學記夢無心解自謀不能著下伏強從蓮上

浮初學記
作遊

負圖非所冀支狀空見留儻蒙一曳尾當為

回頭

文苑英華卷第三百二十

卷之...

...

...

...

...

...

...

...

...

...

...

...

...

...

...

...

...

...

...

